



Ervaring tel wanneer **REKORDOES GEBERG WORD**



Awie Kriel,
streeksbestuurder:
Kommoditeite, Kaap Agri



Wessel Lemmer,
hoofbestuurder,
Agbiz Grain

Graanoeste is seisoenaal en die omvang daarvan kan groot variasies toon. Ervare silopersoneel is hierop bedag, want dit is nie so maklik om hulpbronne uit te rol wanneer 'n rekordoes skielik op hande is nie.

'n Suksesvolle span weet wanneer die pas aangegee moet word om meer graan in dieselfde tydsbestek te hanteer en op te berg. Vlugvoetige silopersoneel beskik oor vaardighede soos vërsiendheid, 'n bereidwilligheid om altyd te leer, aanpasbaarheid en veerkragtigheid. 'n Span met lede wat oor hierdie eienskappe beskik, kan vinnig 'n rekordoes met bestaande hulpbronne baarsaak.

Vërsiendheid en ervaring as 'n vroeë waarskuwingstelsel

Vërsiendheid help 'n silospan om op hul voete te dink en betyds vir veranderende omstandighede te beplan. As 'n normale koringoes byvoorbeeld teen September in die Wes-Kaap verwag word en dit blyk dat produksie-omstandighede dermate verbeter het dat 'n rekordoes oor vier weke verwag kan word, moet die planne reeds agtermekaar wees.

Vërsiendheid en ervaring is 'n betroubare vroeë waarskuwingstelsel vir enige opberger

Goeie silopersoneel is vertrouwd met hoe weersomstandighede op 'n weeklikse basis die produksietoestande van die oes in die silokompleks se bedieningsgebied direk kan beïnvloed. Tegnieuse kennis rakende produsente se produksie-aktiwiteite kan 'n goeie aanduiding gee van die oesgrootte wat verwag kan word. Die span se goeie kommunikasieverhoudinge met hul kliënte (produsente) verseker ook dat hulle 'n uitstekende diens kan lewer. Die span by die silokompleks is dus in staat om die produksie-omgewing vooraf te takseer en veranderinge vroegtydig te verwag. Hul vërsiendheid en ervaring is 'n betroubare vroeë waarskuwingstelsel vir enige opberger.

Pas vinnig aan by veranderende omstandighede

Die vermoë van personeel om aanpasbaar en buigzaam te wees, is van onskatbare waarde wanneer 'n rekordoes verwag word. Die veranderende omstandighede dwing 'n span om hul aanvanklike aannames rakende die komende oes vinnig te hersien. Strategieë en prosesse moet merkbaar aangepas word om 'n groter oes te kan inneem. Dit kan beteken dat alternatiewe opbergingsfasiliteite tydig in plek gestel moet word om bykomende graanleweringe te akkommodeer. Personeel pas hul planne dus dadelik aan om die optimale funksionering van 'n silokompleks reeds voor oes in plek te stel.

Ingeligte besluite stel kliënte se behoeftes eerste

Die ligging van die silokompleks tydens 'n rekordoes is 'n sleutelfaktor in die sukses daarvan. Dit kan daartoe lei dat graan geskuif moet word om die kliënt steeds in staat te stel om by sy naaste leweringpunt van keuse te lewer. Opbergers maak dit dus vir kliënte gerieflik om sonder onderbrekings en oponthoude graan tydens oestyd te lewer. Kliënte behoort nie verontref te word deur graan by verafgeleë en onbekende leweringpunte te moet lewer nie.

Silobestuurders het uitstekende verhoudinge met produsente in hul omgewing en kommunikeer daagliks met kliënte om hulle op hoogte te hou van die veranderende omstandighede by die silokompleks. Gereelde kommunikasie met kliënte stel 'n silobestuurder in staat om die daaglikse skedule akkuraat te bestuur. Die personeelkorps by silo's is ervare, wat baie help wanneer die span met die logistieke uitdagings van 'n groot inkomende oes gekonfronteer word.



SPECIALISED SOLUTIONS for bulk storage

Jacs van Rooy, Silo Warehouse

Bereidheid om te leer

'n Silokompleks se personeel streef daarna om die voorkeur en grootste diensverskaffer in die opberging van graan in sy bedieningsgebied te wees. Opbergers speel 'n belangrik rol in prysontdekking en die tydige lewering van graan is daarvoor nodig sodat kliënte markverwante pryse behaal. Die meeste produsente verkoop hul graan voor en tydens die oes en daarom is die doeltreffende hantering van graan juis ook tydens die insameling van 'n rekordoes so belangrik.

Dit is belangrik dat kliëntediens vir die silopersoneel 'n passie moet wees sodat die kliënt 'n goeie ervaring sal hê. Soos in die bankwese moet verhoudings met kliënte altyd eerste kom. Dit is in die meeste gevalle 'n goeie kliënteverhouding en uitstekende ligging wat mededingers in opberging van mekaar onderskei. Vertroue word deur goeie verhoudinge gebou en verseker dat kliënte jaar na jaar van dieselfde opberger gebruik maak om graan op te berg en deur die fasiliteite te bemark.

Veerkragtigheid

Goeie kommunikasie met kliënte en ervaring maak 'n span veerkragtig. Ervaring van die suksesse en mislukkings wat gedurende vorige oesjare behaal is, stel 'n span in staat om 'n rekordoes doeltreffend te hanteer. Of dit nou 'n swak oesjaar of 'n rekordoesjaar is, personeel verseker aan die einde van die dag dat die kliënt 'n onvergeetlike kliëntedienservaring het. Ongunstige produksie-omstandighede moenie 'n span by 'n silokompleks ontmoedig nie. 'n Span moet veerkragtigheid toon en gereed wees om van seisoen tot seisoen vinnig en gemaklik by veranderende omstandighede en nuwe planne aan te pas.

Opsomming

Dit is nie noodwendig die beskikbare fasiliteite en belegging in nuwe infrastruktuur wat daartoe lei dat 'n opberger 'n rekordoesjaar suksesvol insamel of nie. Dit is die mense by elke silokompleks waarom alles draai. Tydige besluite wat op ervaring gebaseer is, is noodsaaklik. Kliënte se behoeftes moet eerste gestel word en goeie kommunikasie moet deurlopend gehandhaaf word sodat die produsent met gerief sy oes kan insamel en wegry na die silokompleks van sy keuse – daar waar prysontdekking doeltreffend plaasvind, veral in 'n rekordoesjaar. ●


Silo Warehouse specialises in solving your grain storage and handling needs. Our projects range from small feed bins to large commercial and private storage.

Silos, dryers, cleaners and a range of specialised handling equipment are imported from top manufacturers across the world. Some of our partners include Symaga from Spain, Cool Seed from Brazil, Morillon from France and Euromecc from Italy.

All our handling equipment and support structures, such as gantries, catwalks, support frames and other walkways, are supplied by Silo Warehouse. Our bulk handling equipment, such as bucket elevators, chain conveyors, augers and belt conveyors, are all manufactured in South Africa to ensure quality equipment at great prices. The available capacities of our handling equipment range from 5 mt/h to 200 mt/h and up to 500 mt/h for more specialised equipment.

By using the new grain cooling technology, you can become part of a new eco-friendly way of safely storing your grain, seed and animal feed. Some additional benefits include cost saving on fumigation, while ensuring prevention of mass loss on your products. ●

Contact us today for the best deals in bulk storage solutions.



New Grain Cooling Technology • Eco Friendly Storage
Huge savings on fumigation costs



SILO WAREHOUSE
(PTY) LTD
YOUR GRAIN STORAGE SOLUTION